

ATTAVIITSOQ

INATSISARTUNI

11.08.2023

UKA2023/138

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Imigassat aalakoornartortallit kimittuat sumiiffiit ilaanni matoqqatinneqarnerat pillugu apeqquteqaat aallaavigalugu oqallinnissamik siunnersuut

Inatsisartunut ilaasortaq Knud Mathiasen, Attaviitsoq

Suulluunniit nioqqutissat nunatsinni inoqarfinni assigiimmik pilorsorneqarnissaq pinngitsoorsinnaanngilarput.

Naalakkersuinikkut siuttugut Nunarput assigiimmik pilorsorneqassasoq assigiimmillu pineqassasugut qineequsaarnermikkut neriorsuippu aamma niuernikkut nunarput assigiimmik pilorsorneqarnissaa nunatut isumaqarpunga angusariaqarippu.

Tasiilami eqqaanilu inunnik isumaginninnikkut ajornartorsiutit allanit allaanerungitsut isumaqarpunga.

Nunatsinnilu imigassanik kimittuunik sumiiffinnik sumiluunniit ammaasoqaqqittariaqartoq isumaqarpunga.

Sumiiffit kimittooqarfiunngitsut allatut isigineqarunnaarlutik nunarput ataatsimut isigalugu inoqarfiiit allatuulli atugassaqartinneqarnissaat angusariaqarippu.

Inertequlernerup sioqqullugu pissutsit pitsavallaanngitsut toqqammavagineqarsimapput ilaatigut nunaqqataasut annertuumik imigassartortoqartarsimaneranik ilisimannitoqarsimammat, massakkut pissutsit qiviaraanni sumiikkaluaraanniluunniit tamanna pissuseq allaanerussuteqanngimmat.

Oqartuarlugut imigassamik atueriaaserput inummiittoq imigassamiunngitsorli taava takorloorsinnaasariaqarparput avinngarusimasumiulluni inuuniarneq ilaatigut qanoq ilungersuanarsinnaatiginera.

Inatsisartut oqallilluarnissaannik kissaallugit.

[011_2022_forbud_alkohol_knuma_akissut.pdf \(ina.gl\)](#)